

# SLUŽBENI GLASNIK OPĆINE BREZA

Godina V Broj: 9

Breza, 31.12.2003.godine

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA BREZA  
- Općinsko vijeće -

Broj: 01/1-02-2685/03  
Breza, 30.12.2003.godine

Na osnovu člana 2. Zakona o budžetima u Federaciji BiH ("Sl.novine FBiH", broj: 20/98), člana 22. tačka 5. Zakona o lokalnoj samoupravi "Službene novine ZE-DO" kantona broj 13/98) i člana 27. tačka 4. te člana 96. Statuta Općine Breza ("Sl.glasnik Općine Breza", broj: 1/99, 4/99 i 7/99), Općinsko vijeće Breza, na prijedlog Općinskog načelnika na sjednici održanoj dana 30.12.2003. godine, donijelo je

## **BUDŽET OPĆINE BREZA ZA 2004. GODINU**

Ovim Budžetom utvrđuju se prihodi i izdaci po grupama i bilansi prihoda i izdataka za razdoblje 01.01.2004. - 31.12.2004. godine u KM kako slijedi:

p r i h o d i.....	1.956.914 KM
i z d a c i.....	1.941.914 KM
tekuća rezerva.....	15.000 KM

PREDSJEDAVAJUĆI  
Općinskog vijeća  
Jakub Dinarević,s.r.

.....

## **O B R A Z L O Ž E N J E**

### **I - PRAVNI OSNOV**

Pravni osnov za donošenje Budžeta Općine Breza sadržan je u članu 22. tačka 5. Zakona o lokalnoj samoupravi prema kojem Općinsko vijeće donosi budžet na prijedlog Općinskog načelnika.

Drugi bitni propisi za izradu budžeta su:

- Zakon o proračunima-budžetima FBiH,
- Zakon o pripadnosti javnih prihoda ZE-DO kantona,
- Zakon o porezima ZE-DO kantona,
- Zakon o komunalnim naknadama,
- Zakon o porezu na promet nepokretnosti.

### **II - UVODNE NAPOMENE**

Ministarstvo finansija ZE-DO kantona predložilo je da Nacrt Budžeta korisnika javnih prihoda, dakle i Općina ima stabilizacijski karakter. Pri izradi Nacrta Budžeta za 2004. godinu rukovodili smo se smjernicama koje je uputilo Ministarstvo finansija ZE-DO kantona, kao preliminaran izvještaj o privrednoj i fiskalnoj politici, a bazira se na materijalima Federalne vlade.

Smjernice obuhvataju sljedeće:

1. Makroekonomske pretpostavke i projekcije prihoda.
2. Rashode.

Osnovni cilj jeste postizanje većeg stepena fiskalne konsolidacije i obuzdavanje postojećeg vrlo visokog nivoa javne potrošnje.

Makroekonomski gledano, a na osnovu srednjoročnih okvirnih rashoda (SOR-a) za period 2004-2006 godinu realan ekonomski rast u 2004. godini iznositi će 4,0% - 4,5%, pri čemu bi godišnja stopa inflacije ostala na nivou 1,5%-2,0%. Fiskalne projekcije za 2004. godinu ovisiti će od implementacije snažnog okvira reformskih mjera, kao i od održavanja i unapređenja poštivanja poreskih obaveza.

Okvir rashoda za 2004. godinu

U 2004. godini osnovne karakteristike javne potrošnje su sljedeće:

- javna potrošnja će biti ograničena na nivou iz 2003. godine,
- plaće i naknade troškova zaposlenih će ostati na nivou kao u 2003. godini,
- izdaci za materijal i usluge će se planirati na nivou ostvarenja u 2003. godini.
- transferi i kapitalni izdaci će se planirati na nivou izvršenja i obima aktivnosti u 2003. godini, s tim što može doći do neznatne unutrašnje preraspodjele.

Ovakvim planiranje Budžeta za 2004. godinu može se očekivati poslovanje bez budžetskog deficita i pristupiti politici razvojnog budžeta orijentiranog ka programskim ciljevima u kojima je prioritet ulaganje u infrastrukturu i revitalizaciju privrede.

### **III - OBRAZLOŽENJE POJEDINIH RJEŠENJA**

## **P r i h o d i**

Prihodi Budžeta Općine za 2004. godinu planirani su u iznosu od 1.956.914 KM što je za 22.038 KM manje od Budžeta u 2003. godini.

Struktura plana prihoda je sljedeća:

- Porezni prihodi	757.000 KM
- Neporezni prihodi	1.049.914 KM
- Potpore	150.000 KM
<b>U K U P N O</b>	<b>1.956.914 KM</b>

Ovako planirani prihodi zasnivaju se na realnim projekcijama prihoda, odnosno njihovim ostvarenjem tokom proteklog dijela budžetske godine.

Porezni prihodi čine 38,68% ukupno planiranih prihoda. Ovi prihodi se prikupljaju na kantonalni račun javnih prihoda i odgovarajućim omjerom (80:20 u korist Kantona) vraćaju na budžete općina.

Ovako planiranje poreznih prihoda proizilazi i iz u zadnje vrijeme poboljšanja angažovanja kantonalni organa (poreske uprave), nakon donošenja novog Zakona o poreznoj upravu i uvođenje jedinstvenih identifikacionih brojeva poreznih obveznika.

Neporezni prihodi čine 53,65% ukupno planiranih prihoda u 2004. godini.

Ovi prihodi su planirani na osnovu važećih propisa koji reguliraju ovu oblast. U većini slučajeva se prikupljaju direktnim uplatama poreskih obveznika na budžet općine, izuzev prihoda od koncesija koji se na osnovu Zakona o koncesijama - Prečišćeni tekst ("Službene novine ZE-DO kantona", broj 5/2003) uplaćuju na račun kantona, a onda povratom na račun općinskog budžeta i Prihoda od posebne namjene za upotrebu cesta za vozila pravnih lica i građana te naknada puteva iz cijene nafte i naftnih derivata. Visina ovih prihoda utvrđena je na osnovu Zakona o cestama Federacije BiH ("Službene novine FBiH", broj 6/02) i Pravilnik o načinu uplate javnih prihoda budžeta i izvanbudžetskih fondova na teritoriji Federacije BiH ("Službene novine FBiH", broj 9/02).

Ova sredstva (za ceste i koncesije) se troše namjenski i po programima odobrenim od Vlade kantona i to za infrastrukturu (putevi, kanalizacije i sl).

Neporezni prihodi koji su planirani u nešto većem iznosu jesu općinske naknade, i prihodi od prodaje zemljišta Tabelarni prikaz broj 1. stav 2.2. i stav 4. Njihovi iznosi planirani su na osnovu podataka dobivenih od Službe za prostorno uređenje, zaštitu okolice, geodetske i imovinsko-pravne poslove (rješenja, projekti i sl.), a kako slijedi:

- Naknade za korištenje građevinskog zemljišta	351.714,00 KM
- Naknade za komunalne usluge	80.000,00 KM
- Zakupnina	10.000,00 KM
- Naknada za dodjeljeno građevinsko zemljište	100.000,00 KM
- Naknada za uređenje građevinskog zemljišta	145.000,00 KM
- Izdavanje izvoda iz plana i cjepanje parcela	6.000,00 KM
- Naknada za legalizaciju	35.000,00 KM

### **POTPORE - GRANTOVI**

Ovi prihodi sastoje se od prihoda kantona i prihoda od ostalih. U ukupnoj masi planiranih prihoda čine 7,66%.

Prihodi kantona planirani su u visini od 100.000,00 KM na osnovu saznanja da će Vlada ZE-DO kantona donijeti novu Uredbu o podjeli javnih prihoda između kantona i općina od 01.01.2004. godine, dok su prihodi od ostalih 50.000,00 KM učešće Javnog preduzeća "Slivovi rijeke Save" Sarajevo namjenski za vodosnabdijevanje Općine.

## I z d a c i

Ukupni izdaci za 2004. godinu planirani su na nivou projiciranih prihoda i iznose 1.956.914 KM.

Planirani utrošak sredstava dat je u tabelarnom prikazu broj 2. - Izdaci.

Strukturu planiranih izdataka u Nacrtu Budžeta za 2004. godinu čine:

N A Z I V	Iznos KM	% učešća
- Bruto plaće i naknade	550.000	28
- Doprinos poslodavca	42.500	2,17
- Naknade troškova zaposl.i skup.zastup.	223.300	11,42
- Izdaci za materijal i usluge	343.114	17,53
- Grantovi - tekući transferi	250.000	12,77
- Kapitali izdaci	145.000	7,40
- Izdaci za kamate	20.000	1,02
- Budžetska rezerva	15.000	0,76
- Prenesene obaveze	360.000	18,80
		cca 100

### Plaće i naknade

Ukupna masa sredstava za isplatu plaća (bruto plate i naknade sa doprinosom poslodavca) planirana su u iznosu od 592.500,00 KM što je 30,27% ukupnih rashoda. Ova suma predviđena za plaće je za 6,1% manja od plata predviđenih u 2003. godini.

U organu uprave Općine Breza je ukupno 64 radnika raspoređena u 8 službi i Centru za socijalni rad Breza.

### Naknade troškova zaposlenih i skupštinskih zastupnika

Naknade troškova zaposlenih i skupštinskih zastupnika planirani su u iznosu od 223.300 KM. Obuhvataju naknade za topli obrok, naknade za prevoz radnika, vijećničke naknade, regres za godišnji odmor, isplate komisijama vijeća itd.

### Izdaci za materijal i usluge

Ukupni planirani izdaci za materijal i usluge u budžetu za 2004. godinu iznose 343.114 KM i u ukupnim sredstvima budžeta učestvuju sa 17,53%.

Do značajnijeg povećanja u odnosu na prethodne godine došlo je usljed pojave novih troškova, a to su:

- finansiranje zimskog održavanja puteva, (stav 4.g..8)
- finansiranje lokalnih općinskih izbora (stav 4k..2, stav 4.k..10)

**Prenesene obaveze**

Tačan iznos prenesenih obaveza bit će dat u Odluci o izvršenju Budžeta za 2003. godinu.

**Potpore - grantovi**

- Grantovi mjesnim zajednicama planirani su u iznosu od 71.500 KM. Ova sredstva će se koristiti za finansiranje infrastrukture po pojedinim mjesnim zajednicama i vođenje drugih aktivnosti.

- Grantovi pojedincima - u okviru ove stavke planirana su sredstva za učešće u finansiranju prevoza učenika kao i aktivnosti Centra za socijalni rad - jednokratna socijalna davanja i sl. (evidentiranih 200 socijalno ugrođenih lica).

**Grantovi neprofitnim organizacijama**

- Sredstva za političke partije iznose 30.000 KM, a raspoređena su na način da se 30% sredstava raspoređuje jednako svim političkim partijama-strankama, a 70% ukupnog iznosa se raspoređuje srazmjerno broju poslaničkih mjesta, koje svaka parlamentarna partija-stranka ima u trenutku raspodjele.

- Grant udruženja građana obuhvata sredstva za sport u visini od 30.000 KM i udruženja u visini od 20.000 KM, od toga boračke populacije 11.000 KM (SUBNOR, RVI, Porodice šehida, JOB-Unija veterana) i ostala udruženja 9.000 KM.

- Subvencije javnim ustanovama iznose 66.000 KM a raspored je dat tabelarnim prikazom broj 2 odjel II stav 4.

**Kamate na domaće pozajmljivanje** planirane su na osnovu otplatnih planova po kreditima za vodosnabdijevanje Općine, i ostatku kredita za automobile (do oktobra 2004.g.)

**Kapitalni izdaci**

- Ovi izdaci čine 7,40% ukupno planiranih izdataka. Finansiranje ovih izdataka obezbjeđeno je iz prihoda od prodaje zemljišta i prihoda općinskih naknada.

**Tekuća rezerva** planirana je u visini od 15.000 KM i koristit će se za finansiranje eventualno nastalih rashoda koji nisu predviđeni budžetom, a nastanu tokom 2004. godine.











Na osnovu člana 1. i 36. Zakona o proračunu-budžetu ("Službeni list FBiH", broj 20/98) i člana 98. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 30.12.2003. godine, d o n o s i

## **O D L U K U**

### **o izvršavanju Budžeta Općine Breza za 2004. godinu**

#### **I - OPĆE ODREDBE**

##### Član 1.

Ovom Odlukom se uređuje način izvršavanja Budžeta Općine Breza za 2004. godinu (u daljem tekstu Budžet), upravljanja prihodima i izdacima Budžeta, te prava i obaveze korisnika budžetskih sredstava.

##### Član 2.

Opći dio Budžeta se sastoji od bilansa prihoda i izdataka, a poseban dio sadrži detaljniji raspored izdataka za tekuće transfere.

U bilansu prihoda i izdataka iskazuju se porezni i neporezni prihodi i drugi prihodi i principi, te izdaci utvrđeni za finansiranje javnih izdataka na nivou Općine Breza na osnovu zakonskih i drugih propisa.

#### **II - TRANSPARENTNOST I JAVNOST BUDŽETA**

##### Član 3.

S ciljem obezbjeđenja transparentnosti Budžet prikazuje ukupno i po budžetskim korisnicima analitički sve javne prihode i javne izdatke po računima kontnog plana. S ciljem javnosti upravljanja javnim novcem izvršenje Budžeta Općine Breza će se objaviti, ukupno i po budžetskim korisnicima u "Službenom glasniku Općine Breza".

#### **III - REVIZIJA I KONTROLA BUDŽETA**

##### Član 4.

Reviziju Budžeta vrši Ministarstvo finansija - Ured za reviziju.

Nadzor nad finansijskim materijalnim i računovodstvenim poslovanjem te nad zakonitom i namjenskom upotrebom budžetskih sredstava od strane korisnika obavlja Ministarstvo finansija, kao organ sa višeg nivoa i Komisija za nadzor Budžeta formirana od Općinskog vijeća, u skladu sa članom 39. Poslovnika o radu Općinskog vijeća Breza.

Komisija za Nadzor budžeta izvještava Općinsko vijeće o trošenju budžetskih sredstava, u pravilu svakih šest mjeseci.

**IV - IZVRŠAVANJE BUDŽETA****Član 5.**

Sredstva Budžeta osiguravaju se budžetskim korisnicima koji su u dijelu Budžeta određeni kao nosioci sredstava po pojedinim pozicijama.

Korisnici Budžeta sredstva Budžeta koriste samo za namjene koje su određene Budžetom, i to do visine utvrđene u njegovom posebnom dijelu.

**Član 6.**

Budžetski korisnici sredstva Budžeta koriste u skladu sa svojim godišnjim finansijskim planom.

**Član 7.**

Prilikom dogovaranja uslova za ispunjenje obaveza koje se podmiruju iz Budžeta, korisnici Budžeta su dužni uzimati u obzir dinamiku priliva i odliva sredstava.

**Član 8.**

Postupak nabavke investicionih dobara i usluga obavlja se u skladu sa Uredbom o postupku nabavke robe, usluga i ustupanju radova ("Službene novine FBiH", broj 40/03).

**Član 9.**

Budžet se izvršava na osnovu mjesečnih i tromjesečnih planova za izvršenje Budžeta, a u skladu sa raspoloživim sredstvima, čime se ujedno utvrđuje dinamika izvršavanja Budžeta.

**Član 10.**

Općinski načelnik-Služba za opću upravu i finansije izvršava mjesečno i tromjesečno finansijske planove po korisnicima u skladu sa raspoloživim sredstvima.

**Član 11.**

Općinski načelnik-Služba za opću upravu i finansije dostavlja tromjesečno, polugodišnje i devetomjesečne izvještaje Ministarstvu finansija Kantona, kao i godišnji konsolidovani izvještaj, nakon predaje završnog računa u Poreznu ispostavu.

**Član 12.**

Općinski načelnik je dužan do 30. aprila tekuće godine izvjestiti Općinsko vijeće o izvršenju budžeta za prethodnu godinu, na usvajanje.

**Član 13.**

Općinski načelnik-Služba za opću upravu i finansije je obavezan izvjestiti Općinsko vijeće o izvršavanju Budžeta za prvo polugodište fiskalne godine najkasnije do 15. augusta tekuće godine.

**Član 14.**

Neutrošena sredstva po pojedinim stavkama iz mjesečnog plana izvršavanja Budžeta Služba prenosi na iste stavke u naredni mjesečni plan izvršavanja budžeta u okviru budžetske godine.

## Član 15.

Izuzetno, izdaci koji nisu predviđeni ili izdaci koji zahtijevaju prekoračenje pojedinih stavki mogu se podmiriti samo uz saglasnost Općinskog vijeća.

## Član 16.

Općinski načelnik uz odobrenje Općinskog vijeća odlučuje o budžetskoj rezervi, ukoliko je planirana Budžetom za tekuću godinu.

## Član 17.

Pogrešno ili više uplaćeni prihodi u Budžet vraćaju se uplatiocima na teret tih prihoda. Rješenje o tome donosi Ministarstvo finansija.

## Član 18.

Transfer za političke partije raspoređivat će se na način da se 30% sredstava raspoređuje jednako svim parlamentarnim partijama-strankama, a 70% od ukupnog iznosa se raspoređuje srazmjerno broju poslaničkih mjesta, koja svaka parlamentarna partija-stranka ima u trenutku raspodjele.

## Član 19.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-2686/03  
Breza, 30.12.2003.

PREDSJEDAVAJUĆI  
Općinskog vijeća  
Jakub Dinarević s.r.

.....

Na osnovu člana 1. i 2. Zakona o komunalnim taksama ("Službeni list SRBiH", broj 21/77, 35/88 i 26/89), člana 22. tačka 7. Zakona o lokalnoj samoupravi ("Službene novine ZE-DO kantona", broj 13/98 i 8/00) člana 49. stav 1. Statuta Općine Breza ("Službeni glasnik Općine Breza", broj 1/99, 4/99 i 7/99) Općinsko vijeće Breza, na sednici održanoj dana 30.12.2003. godine d o n o s i

## ODLUKU

## **o izmjeni i dopuni Odluke o komunalnim taksama**

## Član 1.

U Odluci o komunalnim taksama ("Službeni glasnik Općine Breza", broj 4/2000) iza člana 6. dodaje se član 7. koji glasi:

"Prijava za razrez komunalne takse za 2004. godinu podnosi se na obrascu utvrđenom od strane Porezne uprave".

## Član 2.

Član 7., 8., 9. postaju članovi 8., 9. i 10.

## Član 3.

U tarifi komunalnih taksa koja je sastavni dio ove Odluke tarifni broj 2. mijenja se i glasi:

Za držanje sredstava za igru (bilijar, karte za igru, fliperi, automati, video igre i aparati za posebne izgre na sreću plaća se godišnje po jednom komadu, aparatu, odnosno predmetu) 200,00 KM

## NAPOMENA:

1. Plaćanju takse po ovom tarifnom broju podliježu samo vlasnici ili korisnici koji imaju odobrenje nadležnog Federalnog organa.
2. Pod aparatima koji donose novac podrazumijevaju se elektronski ili mehanički aparati koji tokom igre omogućavaju igraču dobitak u novcu ili žetonima koji su naplativi u novcu, a koji se mogu držati u skladu sa Zakonom o lutriji BiH i igrama na sreću ("Sl.list R BiH" broj 2/96)
3. Ako se sredstva za igru počnu koristiti u drugom polugodištu propisana taksa se umanjuje za 50%.

## Član 4.

Tarifni broj 3.

Za svaku istaknutu firmu, oznaku obilježje ili natpis na objektima, upravnim zgradama, poslovnim jedinicama, prodajnim objektima i slično, kojim se označava da određeno pravno ili fizičko lice obavlja izvjesnu djelatnost ili zanimanje, plaća se godišnje taksa u iznosu kako slijedi:

	PRAVNA LICA	FIZIČKA LICA
<b>I - IZ OBLASTI PROIZVODNJE</b>		
1. Proizvodnja uglja	5.000 KM	
2. Proizvodnja betonske galanterije	3.000 KM	400 KM
3. Prerada drveta i proizvoda od drveta	2.000 KM	400 KM
4. Proizvodnja tekstila i tekstilnih proizvoda	1.000 KM	200 KM
5. Obrada metala i proizvoda od metala	1.000 KM	200 KM
6. Proizvodnja i prerada kamena	3.000 KM	200 KM
7. Preduzeća za pružanje građevinskih usluga (građevinarstvo)	2.000 KM	500 KM
8. Proizvodnja gljiva (pravna lica)	300 KM	100 KM
9. Distribucija nafte i naftnih derivata	2.000 KM	
10. Proizvodnja jaja na farmama	300 KM	200 KM
11. Proizvodnja i prerada plastike	700 KM	
11. Distribucija električne energije	3.000 KM	
12. Usluge iz oblasti telefonskih komunikacija	3.000 KM	

	PRAVNA LICA	FIZIČKA LICA
<b>II - IZ OBLASTI BANKARSTVA, PTT USLUGA, MIKROKREDITA I OSTALO</b>		
1. Banke, PTT usluge i mikrokreditne organizacije	1.000 KM	500 KM
2. Preduzeće i samostalne radnje koje se bave postavljanjem i održavanjem mreže za kablovsko emitovanje programa	300 KM	150 KM
<b>III - OBJEKTI U KOJIMA SE PRIREĐUJU IGRE NA SREĆU</b>		
1. Objekti u kojima se prodaju igre na sreću (lutrije, kladionice i sl.)	3.000 KM	
<b>IV - OSIGURAVAJUĆA DRUŠTVA</b>		
1. Institucije koje se bave osiguranjem	1.000 KM	
<b>V - IZ OBLASTI TRGOVINE</b>		
1. Trgovina na veliko i uvoz	1.500 KM	
2. Trgovina na malo	500 KM	250 KM
3. Samostalne trgovačke radnje		250 KM
4. Samostalne trgovačke radnje (kiosk)		150 KM
5. Tezge na pijaci		200 KM
6. Buregdžinice, aščinice, čevabdžinice, kafe slastičarne		300 KM
7. Mesari		1.000 KM
8. Zlatari		300 KM
9. Pekari		400 KM
<b>VI - IZ OBLASTI UGOSTITELJSTVA</b>		
1. Hoteli	600 KM	
2. Moteli, pansioni	600 KM	500 KM
3. Barovi, noćni klubovi, disko	600 KM	400 KM
4. SUR i ostali objekti iz ugostiteljstva		300 KM
<b>VII - IZ OBLASTI OBAVLJANJA PROFESIONALNE DJELATNOSTI</b>		
1. Zdravstveni radnici, veterinari, advokati, arhitekta, revizori, prevodioci, sudski tumači, novinari, inovatori i ostali		400 KM
<b>VIII - OSTALE INTELEKTUALNE USLUGE</b>		
1. Kompjuterske usluge	500 KM	300 KM
2. Vođenje poslovnih knjiga		400 KM





BOSNA I HERCEGOVINA

FEDERACIJA BOSNE I HERCEGOVINE

ZENIČKO - DOBOJSKI KANTON

OPĆINA BREZA

- Općinsko vijeće -

Broj: 01/1-02-2688/03

Breza, 05.01.2004.godine

Na osnovu člana 50. stav 3. Statuta Općine Breza, ("Službeni glasnik" broj 1/99, 4/99, 7/99), prilikom razmatranja Informacije o vodosnabdijevanju Općine Breza, Općinsko vijeće Breza na sednici održanoj dana 30.12.2003. godine donosi

## ZAKLJUČAK

## 1

Da Javno komunalno preduzeće "Breza" u Brezi uradi godišnji plan rada za 2004. godinu sa prijedlogom mjera u poboljšanju postojećeg stanja vodosnabdijevanja Općine Breza.

## II

Da Općina Breza sačini plan i program mjera prevazilaženja postojećeg stanja vodosnabdijevanja Općine Breza, imajući u vidu razvojnu komponentu vodosnabdijevanja Općine Breza.

## III

Rok za realizaciju zaključka 20 dana od dana prijema istog.

## IV

Za realizaciju zaključka tačke I zadužuje se Upravni odbor JKP Breza i direktor JKP Breza, a tačke II Služba za privredu, obnovu i razvoj, Zajednička stručna stručna MZ-a, zajednički općinski pravobranilac i predstavnici mjesnih zajednica Općine Breza.

DOSTAVLJENO:

1x Predsjednik Upravnog odbora JKP Breza,  
1x Direktor JKP Breza,  
1x Šef Službe za priv.obnovu i razvoj,  
1x Šef Zajedničke stručne službe MZ-a,  
1x Predstavnik mjesnih zajednica Općine Breza,  
1x Zajednički općinski pravobranilac,  
1x 01/1,  
1x Arhiva.

## PREDSJEDAVAJUĆI

Općinskog vijeća  
Jakub Dinarević, s.r.



BOSNA I HERCEGOVINA

FEDERACIJA BOSNE I HERCEGOVINE

ZENIČKO - DOBOJSKI KANTON

OPĆINA BREZA

- Općinsko vijeće -

Broj: 01/1-02-2685-1/04

Breza, 05.01.2004.godine

Na osnovu člana 50. stav 3. Statuta Općine Breza, ("Službeni glasnik" broj 1/99, 4/99, 7/99), prilikom razmatranja prijedloga Budžeta Općine Breza za 2004. godinu, Općinsko vijeće Breza na sjednici održanoj dana 30.12.2003. godine donosi

## ZAKLJUČAK

## 1

Da se Budžet Općine Breza za 2004. godinu prema svim korisnicima ostvaruje srazmjerno procentu ostvarenja Budžeta.

## 11

Za realizaciju ovog zaključka zadužuje se Služba za opću upravu, i finansije.

DOSTAVLJENO:

1x Služba za opću upravu i finansije,

1x 01/1,

1x Arhiva.

## PREDSJEDAVAJUĆI

Općinskog vijeća

Jakub Dinarević, s.r.



## **S A D R Ź A J**

- 70. Budžet Općine Breza za 2004. godinu.
- 80. Odluka o izvršavanju Budžeta Općine Breza za 2004. godinu.
- 82. Odluka o izmjeni i dopuni Odluke o komunalnim taksama.
- 86. Zaključak da Javno komunalno preduzeće Breza uradi godišnji plan rada za 2004. godinu sa prijedlogom jera u poboljšanju postojećeg stanja.
- 87. Zaključak da se Budžet Općine Breza za 2004. godinu prema svim korisnicima ostvaruje srazmjerno procentu ostvarenja Budžeta.

